

ESANAK

JOSEBA EGIBAR

(EAJko bozeramailea)

«Illegalizazio prozesuak ondorioak izango ditu alderdi politikoen arteko harremanetan. Hobera ez dute egingo»

«Abertzaleen arteko lana atzera dezaketenak ez dira ez Aznar, ez Garzon. Oztopo bakarra ETA da»

JOSU JON IMAZ

(Jaurilaritzako bozeramailea)

«Zergatik jarri zien Batasunak Iruñean Guardia Zibilaria eta Espainiako Poliziari alfonbra gorria?»

«Profesionaltasunez bete zuen Ertzaintzak bere zeregina, euskal gizartearen gustukoa ez izan arren»

J.M. MICHAVILLA

(Espainiako Justizia ministroa)

«Ertzaintza zoriondu nahi dut, ongi egindako lanagatik»

JOSEBA AZKARRAGA

(Jaurilaritzako Justizia sailburua)

«Zaila da susmoetan oinarritutako autoa goragoko instantziek onartzea, baina lardaskeria egina dago»

ETari egotzi zion «bere ospe-galtzean Batasunari arrastaka ematea. Gaur egun Batasuna Aznarrek ikusi nahi zuen lekuan dago. Eta, dirudie-nez, ETA ere bai».

Egibar ziur da EAJ ETaren jomuga izango dela: «ETAk hil gaitzake. Baina pentsatzen badu horrekin guk estrategia aldatuko dugula eta berak gidatuko duela benetako askatasun prozesu bat, oker dago», esan zuen. EAJren bozeramaileak gaineratu zuenez, ETAk «aspaldi galdua du gurekin borroka politikoa. Badakigu norekin mantendu behar dugun borroka politikoa, ez dakit hain garbi duen hori ETAk».

Talde armatuak «kezka» sortzen duela onartu zuen Egibarrek, baina PPri eta PSOERI «kezka handiena sortzen diena norabide zehatz batera doan gehiengo politikoa da».

Imaz: «Batasunak 'show' bat egin du, Ertzaintzari zilegitasuna kentzeko»

Jose Maria Michavila Espainiako Justizia ministroak zorionak eman zizkion Ertzaintzari, «ondo egindako lanagatik»

Erredakzioa | DONOSTIA

Eusko Jaurilaritzako eledun Josu Jon Imazen ustez, Batasuna «show» bat antzezten saiatu da» alderdi abertzalearen egoitzen itxiera zela eta, «Ertzaintzak Polizia oso gisa duen funtzioari eraso egin eta zilegitasuna kentzeko».

Radio Euskadiri egindako adierazpenetan, Imazek galdetu zuen «zergatik Batasunak Iruñean Guardia Zibil eta Polizia Nazionalari alfonbra gorria jarri zien, erresistentziarik egin gabe eta aurka egitea saihestuz, lege espainiarrei men eginez, beraiek dioten moduan», eta, aitzitik, «Ertzaintzari gogor oldartu zitzaion, euskal gizartearen baitan irudi batzuk sortu nahian, Ertzaintzak Polizia oso gisa herri honetan betetzen duen eginkizunari zilegitasuna kentzeko asmoz».

Josu Jon Imazek nabarmendu zuen Ertzaintza Polizia osoa dela, «eta, beraz, polizia judiziala ere bai». Hortaz, «bere eginkizuna bete egin behar du, hots, epaileen erabakiak errespetatzea eta beteaztea».

«Epaileen erabakiak bete

egin behar dira, gustatu ala ez», gaineratu zuen Imazek, «eta bete egin behar dira Euskal Herriko gehiengo politikoa eta gizartearen gehiengoa, inkestek diotenez, alderdi politiko baten lege kanporatzearekin ados ez dauden arren». Imazen arabera, «Ertzaintzak profesionaltasunez bete zuen bere eginkizuna; dudarik gabe, ez zen euskal gizartearen gustukoa izan, baina Ertzaintzak bete egin behar izan zuen».

Jose Maria Michavila Espainiako Justizia ministroak ere baloratu zuen Ertzaintzaren esku hartzea, eta zorionak eman zizkion «ondo egindako lanagatik». Michavilaren ustez, «Ertzaintzak egin du edozein segurtasun indarrek egin behar duena, hau da, zuzenbide estatuarekin kolaboratzea».

«Jaurilaritzak ez du hautsiko esparru politikoa»

Beste aldetik, Imazek adierazi zuen ez dutela gaur egungo esparru politikoa hausteko inolako asmorik: «Gure helburu politikoa gaur egungo autogobernua gainditzea da, baina horretarako ez dugu esparru



JAVIER ETXEZARRETA / EFE

Josu Jon Imaz, Eusko Jaurilaritzako bozeramailea.

politikoa hautsiko; aldiz, errespetarazi egingo dugu, eta Estatutuak eta gaur egungo esparru juridiko politikoak dituzten aukerak baliatuko ditugu, etorkizunean autogobernu handiagora erdiesteko, horixe baita euskal gizartearen borondatea».

Atzo egindako adierazpe-

nak zehaztu egin zituen, bestalde, Imazek: «Jaurilaritzak ez du apurtuko alderdi demokratikoen arteko itun eta lankidetzaren bidea. PPK eta PSOEek, Batasuna lege kanpo utzita, kolpe handia eman diote bide horri, baina guk ez dugu elkarriketaren eta lankidetzaren atea itxiko».

Azkarraga: «Planteamendu abertzaleetan sakonduz erantzun behar zaio erasoari»

Erredakzioa | DONOSTIA

«Indar abertzaleen gogoeta» beharrezkoa dela dio Joseba Azkarraga EAEko Justizia sailburuak. «Batzuek, batik bat, PPko buruzagi esanguratsu batzuek, Euskadi norgehiagokaren amildegira eramateko duten asmoak, nazionalismo demokratikoaren indarrak, gogoeta serioa egitera behartzen gaitu». «PSOEren laguntzarekin PP egiten ari den ideia abertzaleen kontrako erasoari», «indarkeria eta terrorismoaren aurka, eta planteamendu abertzaleen sakontze eta indartzearekin» erantzun behar zaiola uste du.

Atzokoa «egun beltza bezala pasako da historiara» Azka-

rragaren ustez, eta «lehenago edo geroago» «beste norbait ere erantzun beharko dio harrapaketa arriskutsuari».

Baltasar Garzon epailearen autoa eta Espainiako Kongresuak hartutako erabakia «kointzidentzia hutsa» dela ez duela sinesten jakinarazi du, eta magistratuaren independentzia «ekintzek» jartzen dutela «dudan».

Azkarragak kezka ditu «epaile normal batek alderdi politikoek duten Elkarte izateko eskubidea bezalako eskubide konstituzional bat eten ote dezakeen». Justizia sailburuaren esanetan, Garzonek «alderdiak ez direla elkartek» ahaztu du, eta autoan agertzen diren artikulatuak «delitu terro-

ristengatik prozesatu edo kondenatuak dauden elkarrekin bakarrik aplikatu dakizkieke». Il-do beretik, «zaila» da, bere aburuz, goragoko instantziek «susmoetan» oinarritutako auto bat onartzea; «baina, lardaskeria egina dago jada».

«Babes sozial onargarri bat duen alderdi politiko bat lege kanpo utzi nahiak gizarte osoari eragiten dio», Azkarragaren ustez, eta «mundu horretako sektoreek indarkeriaz erantzuten dute». Baina «askatasunen defentsa posible egiten duen bide bakarra erantzun politikoa» dela azpimarratu nahi izan du.

Alderdi politikoen euskal legea

Rafael Larreina EAKo idazkariak alderdi politikoen euskal legea bultzatuko dutela berretsi zuen, «Estatuari aurpegia eman» eta marko juridiko-politiko berri bat bilatzeko.

Jose Maria Aznar Espainia-



JUAN HERRERO / EFE

Joseba Azkarraga.

ko Gobernuako presidenteari eta Batasunari gogoeta garaia ireki dezaten eskatu zien: lehenari, «euskal gizartearen gehiengoaren nahiaren auka jokatzeko» bazterrerara uzteko; eta bigarrenari, «Aznarren gobernuari aurpegia arlo politikoan erakutsi behar zaiola, eta ez kalean» konturatzeko.